

*Handwritten signature*

**CENTRALNA BANKA  
BOSNE I HERCEGOVINE**  
Broj: 150-15-4-1090-17 /20 MM  
Sarajevo, 03.07. 2020. godine

Na osnovu člana 70. stav (1) i (3) i člana 72. stav (3) tačka a) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

### **ODLUKU**

#### **o izboru trećerangiranog ponuđača u postupku javne nabavke usluga održavanja i servisiranja uređaja za alternativno napajanje električnom energijom (agregati i UPS-ovi) – LOT 5**

##### **Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku usluga održavanja i servisiranja uređaja za alternativno napajanje električnom energijom (agregat i UPS-ovi) za potrebe Centralne banke Bosne i Hercegovine Filijale Brčko – LOT 5 dodjeljuje ponuđaču REAP d.o.o. Istočno Sarajevo, u svemu prema Ponudi broj: 113-073/20-P od 04.05.2020. godine, na period od dvije godine.

##### **Član 2.**

Ponuda ponuđača iz člana 1. ove odluke, nakon završene e-aukcije, iznosi

12.800,00 KM bez PDV-a

(slovima: dvanaesthiljadaosamstotina konvertibilnih maraka i 00/100)

odnosno

14.976,00 KM sa uračunatim PDV-om

(slovima: četrnaesthiljadadevetstotinasedamdesetšest konvertibilnih maraka i 00/100).

##### **Član 3.**

Stavlja se van snage Odluka o izboru najpovoljnijeg ponuđača u postupku javne nabavke usluga održavanja i servisiranja uređaja za alternativno napajanje električnom energijom (agregati i UPS-ovi) – LOT 5 broj: 150-15-4-1090-11/20 MM od 05.06.2020. godine, jer je izabrani ponuđač propustio dostaviti originale ili ovjerene kopije dokumenata iz člana 45. Zakona o javnim nabavkama u ostavljenom roku od 5 dana.

##### **Član 4.**

(1) Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum na period od dvije godine.

(2) Za izvršenje okvirnog sporazuma za LOT 5 zadužuje se Centralna banka Bosne i Hercegovine Filijala Brčko.

*Handwritten mark*

*Handwritten mark*

*Handwritten mark*

#### Član 5.

Centralna banka će o rezultatima provedenog postupka javne nabavke obavijestiti ponuđače.

#### Član 6.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za računovodstvo i finansije Centralnog ureda Centralne banke Bosne i Hercegovine i Centralna banka Bosne i Hercegovine Filijala Brčko.

#### Član 7.

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

### O b r a z l o ž e n j e

Postupak javne nabavke usluga održavanja i servisiranja uređaja za alternativno napajanje električnom energijom (agregati i UPS-ovi), za potrebe Centralne banke Bosne i Hercegovine, otvorenim postupkom, pokrenut je Odlukom, broj: 150-15-4-1090-2/20 SAK od 09.04.2020. godine.

U skladu s tim, Centralna banka je 17.04.2020. godine na portalu Javnih nabavki objavila Obavještenje o nabavci broj: 1370-1-2-176-3-135/20.

U predviđenom roku za dostavljanje ponuda, do 05.05.2020. godine do 10:00, blagovremeno su dostavljene tri ponude za LOT 5 i to:

- SICON SAS d.o.o. Tuzla
- ENERGOINVEST – SUE d.d. Sarajevo
- REAP d.o.o. Istočno Sarajevo

Komisija za provođenje postupka javne nabavke je izvršila pregled i ocjenu ponude i zaključila da sve pristigle ponude zadovoljavaju uslove tražene tenderskom dokumentacijom za LOT 5, a što je navedeno i u Zapisniku o pregledu i ocjeni ponuda, broj: 149-15-4-1184-7/20 i Izvještaju o radu sa preporukom broj, 149-15-4-1184-8/20, oba od 21.05.2020. godine.

Sa navedena tri ponuđača je zakazana e-aukcija za dan 20.05.2020. godine. Po završetku e-aukcije prvorangirana ponuda je ponuda ponuđača SICON SAS d.o.o. Tuzla.

U skladu sa navedenim Centralna banka je donijela Odluku o izboru najpovoljnijeg ponuđača u postupku javne nabavke usluga održavanja i servisiranja uređaja za alternativno napajanje električnom energijom (agregati i UPS-ovi) – LOT 5, broj: 150-15-4-1090-11/20 MM od 05.06.2020. godine, kojom je ugovor dodijeljen ponuđaču SICON SAS d.o.o. Tuzla. Navedena Odluka je zajedno uz Obavještenje o rezultatima postupka javne nabavke, broj: 150-15-4-1090-13/20 MM od 05.06.2020. godine dostavljena svim ponuđačima koju su učestvovali u postupku nabavke.

U skladu sa tačkom 1.2. tenderske dokumentacije i Obavještenjem o rezultatima postupka javne nabavke, obaveza izabranog ponuđača je bila da roku od 5 dana od dana zaprimanja obavještenja dostavi dokaze o ispunjavanju uslova iz člana 45. Zakona o javnim nabavkama. Izabrani ponuđač je navedeno Obavještenje zaprimio dana 10.06.2020. godine, te je propustio da u roku od 5 dana dostavi tražene dokaze. Takođe, drugorangirani ponuđač koji je učestvovao u ovom postupku nabavke i koji je izabran kao najpovoljniji ponuđač te je donešena Odluka o izboru najpovoljnijeg ponuđača u

*JK*

*AK*

*AK*

postupku javne nabavke usluga održavanje i servisiranje agregata – LOT 3, je bio u obavezi dostaviti dokaze o ispunjavanju uslova iz člana 45. Zakona o javnim nabavkama u roku od 5 dana od dana zaprimanja obavještenja. Drugorangirani ponuđač je obavještenje i Odluku o izboru najpovoljnijeg ponuđača u postupku javne nabavke usluge održavanje i servisiranje agregata – LOT 3 zaprimio dana 08.06.2020. godine, te isti nije u roku od 5 dana dostavio tražene dokaze.

Obzirom da ni prvorangirani ni drugorangirani ponuđač nisu dostavili dokaze o ispunjavanju uslova iz člana 45. Zakona o javnim nabavkama, Komisija je dana 25.06.2020. godine održala sastanak na kojem se konstatovala da su ponuđači SICON SAS d.o.o. Tuzla i ENERGOINVEST – SUE d.d. Sarajevo propustili u roku od pet dana da dostave originale ili ovjerene kopije dokumenata iz člana 45. Zakona o javnim nabavkama, a što je navedeno i u Zapisniku sa sastanka Komisije održanog dana 25.06.2020. godine, broj: 149-15-4-1184-11/20. U navedenom zapisniku Komisija je dala preporuku da se ugovor dodjeli ponuđaču čija je ponuda po rang – listi odmah nakon ponude ponuđača SICON SAS d.o.o. Tuzla i ENERGOINVEST – SUE d.d. Sarajevo, odnosno da se ugovor dodijeli trećerangiranom ponuđaču REAP d.o.o. Istočno Sarajevo.

Postupajući po navedenoj preporuci Komisije i primjenjujući članu 72. stav (3) tačka a) Zakona o javnim nabavkama, odlučeno je kao u dispozitivu ove odluke

**Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

*BS*  
**GUVERNER**  
**dr. Senad Softić**



Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Centralna banka Bosne i Hercegovine Filijala Brčko;
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)

*du*

*an*

*dr*